

2. september 2026

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

1. Takornariartitsinermik ingerlataqarneq aamma inuussutissarsiutigalugu ingerlatsinermi zonenut immikkoortiterineq il.il. pillugit Inatsisartut inatsisaata piviusunngortinneqarnissaanut killiffik massakkorpiaq sumut killippa?
2. Inatsisip atuutilerneraniit Naalakkersuisut takornariartitsinermik ingerlataqarnissamik akuerineqarnissamik qinnuteqaatit qassit tigusiavaat?
 - a. Takornariartitsinermik ingerlataqarnissamik akuersissutitut inatsisip § 11 malillugu immikkut ittumik qinnuteqartut qanoq amerlatiginissaat ilimagineqarpa?
 - b. Takornariartitsinermik ingerlataqarnissamik akuersissutit qassinik tunisisoqarpa inatsisip § 11 malillugu immikkut ittumik qinnuteqarnikkut?
 - c. Immikkut ittumik akuerineqarnissamik qinnuteqaatit inatsisip § 11 malillugu qassit akuerineqarsimappat, itigartinneqarsimammat imaluunniit sulisuliarineqarpat?
 - d. Takornariartitsinermik ingerlataqarnissamut akuersissuteqarnissamut qinnuteqaatit suliarineqarneri agguaqatigiisillugu qanoq sivisutigisarsimappat, tassunga ilutigalugu immikkut akuerineqarnissamik pisariaqartitsisoqartillugu?
 - e. Naalakkersuisut qanoq ilillutik qulakkeerniarpaat, immikkut ittumik akuerineqarnissamik qinnuteqaatit piviusorsioortumik naatsorsuutigeriikkamillu tunngaveqartumik suliarineqartarnissaat?
 - f. Immikkut ittumik akuerineqarnissamik qinnuteqaatit allaffissornikkut, politikikkut imaluunniit taakku ataqatigiisinnerisigut nalilersorneqartarpat?
3. Aalajangersakkat suut Naalakkersuisut nalilersuinermini pingaartittarpaat, inatsisip § 11 malillugu immikkut ittumik akuersiniartillutik?
 - a. Naalakkersuisut immikkut ittumik akuersisoqassatillugu suna pingaartinnerusarpaat?
 - b. Qanoq Naalakkersuisut qulakkeerniarpaat, immikkut ittumik akuersinissamut aalajangersakkat assigiimmik ersarissumillu qinnuteqartunut atorneqarnissaat?
4. Naalakkersuisut aningaasatigut paasissutissaanik pissarsiniarnerminni pisariaqartitsineq qanoq nalilerpaat, tassani aningaasat kaaviiartitat, immikkut ittumik akuerineqaqullutik qinnuteqaatit suliarineqarnerinut atasumik?
 - a. Naalakkersuisut qanoq qulakkeerniarpaat, paasissutissat akuersissuteqarnermut- aamma immikkut ittumik akuerineqarnissamik qinnuteqarnermut atatillugu pissarsiarineqarsimasut isertuussatut aammalu malittarisassat atuuttut malillugit

suliarineqarnissaat?

5. **Akuersissummik qinnuteqarnermi paasissutissat suut tamanut nalunaarutigineqartarnissaat naatsorsuutaava, qinnuteqartoq akuersissutip tamanut nalunaarutiginnissaanik akuersisimatillugu?**
 - a. **Naalakkersuisut qanoq nalilerpaat, pinngitsoorani tamanut nalunaaruteqartarnissamik akuersissuteqartoqartarnissaa akuersissummik qinnuteqaateqarnermi ersarinnera naammattoq inatsisitigullu illersorneqarsinnaasoq?**
6. **Paasissutissat suut Naalakkersuisut pigaat, akuersissummik- aamma immikkut ittumik akuersissuteqarnissamik qinnuteqaatit suliarinerisa ingerlasut maannakkut takornarialerisut pioreersut 2027-imut pilersaarutaannut tunerusutaannullu kalluaanissaat?**
 - a. **Suliniutit suut Naalakkersuisut qulakkiilersarpaat, takornarialerisut pioreersut nutaamut ikaarsaariarnermut piffissaagallartillugu paasisaqareersimanissaat?**
 - b. **Naalakkersuisut qanoq nalilerpaat takornarialerisunut pioreersunut, suli akuersissutiminnik akuerisaasimanngitsunut- imaluunniit immikkut ittumik qinnuteqaatiminnik akuerisaasimanngitsunut ikaarsaariarnerup pingaassusaa?**
 - c. **Immikkut ittumik akuersinissamut nalilersuinermi suna piingaartinneqartarpa, suliffeqarfiup pioreersup piginnittut, aqutsisut imaluunniit inatsimmi piumasaqataasunik naleqqussarniarsarisimanerat?**
 - d. **Naalakkersuisut ilisimasaqarnerlutik ingerlatsivinnik, takornarialerisuminnik matunialersaartunik, piumasaqaatit malinnissaannut periarfissaqarsimannginnermik malitsigisaannik?**
7. **Naalakkersuisut oqaluuserisamut soqutiginaatilinnik allanik paasissutissiisinaanerlutik?**

(Inatsisartunut ilaasortaq Per Berthelsen, Demokraatit)

Tunngavilersuut

Takornariartitsinermik ingerlataqarnermut inatsit nutaaq maani nunatsinni takornariaqarnerup ineriartortinneranut pingaaruteqartorujussuuvoq. Inatsisip siunertaraa inuussutissarsiutip killilersugaanerusumik attanneqarsinnaanerusumillu ineriartortinnissaa, aammali nutaanik piumasaqaatinik malitseqarluni suliffeqarninnut, takornariartitsinermik ingerlatserusuttunut.

Suliffeqarfiit pioreersut ikaarsaariarnermut piffissaqarput 2026-ip naaneranut. Taamaattumik pingaartuuvoq, suliffeqarfiit inatsisitigut iliuusissaminnullu qulakkeerinnissimanissaat piffissaagallartillugu, taamaaliornermikkut ingeelatsinermut, tuniniaanermut, aningaasaliinernut aammalu sullitaminnut suleqatiminnullu pisussanut tulliuuttunut pilersaarusiorniassammata.

Suliffeqarfiit ilaannut akuersissummik pinissaq immikkut akuerineqarnissaq pingaartuuvoq. Pingaaruteqarpoq paasissallugu, immikkut akuersisarnermut qinnuteqarneq qanoq atorneqartarnersoq,



piumasaqaatit suut pingaartinneqarnersut, aammalu qanoq Naalakkersuisut qulakkeersinnaaner at assigiissumik ersarissumillu suleriuseqarneq.

Tassungalu ilutigalugu pissusissamisoorpoq paasissallugu, qinnuteqaateqarnerminni paasissutissat suut piupaneqartarnersut, paasissutissat qanoq suliarineqartarnersut, aammalu akuersissummi immikkoortut suut imaluunniit qinnuteqaammi tamanut saqqummiunneqartassanersut. Tamanna pingaaruteqarpoq inatsisitigut illersorneqarnissamut, namminersorlutik inuussutissarsiortut suliaq ingerlanneqarneranut tatiginninnerannut inatsisillu pitsaasumik atuutilersinneqarneranut.

Apeqquteqaateqarnermut siunertaavoq tunngaveqarluartumik naliliisinnaanissaq, takornariartitsineermik ingerlataqarneq pillugu inatsisip atulersinnerata ingerlasimaneranik, aammalu pisariaqarnersoq allanik iliuuseqarnissanik, ersarissaasussanik, naatsorsuutigineqartutut ingerlasimanersoq aammalu naamaginartumik takornariartitsinermut sinaakkusiisimanersoq.

Apeqquteqaatima ullut suliffiusut qulit iluanni akineqarnissat qilanaara.